

Ål Utvikling AS

Pb.35, 3571 Ål, tlf. 32 08 43 60 fax. 32 08 16 44

www.aal.as E-post:aalutvikling@aal.as

Org.nr.MVA980405249

PLS

08 173-115

ARKIV 4123

FØRSKREVET

✓ Samferdselsdepartementet
Postboks 8010 Dep
0030 Oslo

Fiskeri og kystdepartementet
Postboks 8118 Dep
0032 OSLO

Ål, 29.04.08.

UTTALE TIL NASJONAL TRANSPORTPLAN

Ål Utvikling AS er destinasjonsselskapet i Ål i Hallingdal som i tillegg til marknadsføring av destinasjonen driv med næringsutvikling i Ål. Me har desse innspela å kome med til planen:

- Vegprosjektet Sokna – Ørgenvika har i Ål som elles i Hallingdal den høgste prioritet. Det å få realisert dette prosjektet snarast har svært stor betydning for oss som reiselivsdestinasjon fordi kortare reisetid og kortare transportavstand vil gjøre vårt distrikt mykje meir attraktivt og lettare tilgjengeleg. Dette har også stor betydning for busettinga.
- Vedlikehaldet på dei fleste vegane gjennom Hallingdal, og Rv.7 spesielt, må styrkast vesentleg. Etter mange år med lite vedlikehald har vegstandaren no vorte svært dårlig. Det skapar stadig større risiko for mange og alvorlege trafikkulykker. Det gir også stor slitasje på bilparken og gjer Hallingdal lite attraktiv å køyre til/gjennom.
- Ringeriksbanen som er vedteke på Stortinget må realiserast no slik at denne saman med Bergensbanen kan danne grunnlag for rask og moderne jernbanedrift mellom Oslo og Bergen også i framtida. Bergensbanen er saman med Flåmsbanen eit internasjonalt reiselivsprodukt og det må takast vare på og utviklast vidare.
- Reisetida med Bergensbanen Oslo-Bergen må reduserast. Sjølv om ein framtidig høgfartsbane på strekninga er noko fram i tid, må det kontinuerleg skje ei etappevis utbygging og oppgradering av Bergensbanen med dette som endeleg mål.

Ikkje for nokon annan region i landet har reiselivet så mykje å seie som for Hallingdal. God tilrettelegging både for transport med bil og tog er derfor heilt avgjørende for å oppretthalde dagens aktivitetsnivå, og for vidareutvikling. Transporttilhøva mellom Oslo og Bergen påverkar sterkt både arbeidsmarknad, rekruttering og busetting både i Ål og i dei andre Hallingdals-kommunane. For å sikre ei positiv utvikling i distriktet framover er det derfor heilt vesentleg at både veg og jernbane blir høgt prioritert og får tildelt nødvendige økonomiske midlar.

Med helsing

Ål Utvikling AS

Kari Grete Kleivstøl
Kari Grete Kleivstøl
Dagleg leiar

Ål Utvikling AS
P.b. 35, 3571 Ål
Tlf. 32 08 43 60 Fax 32 08 16 44
www.aal.as E-mail: aalutvikling@aal.as

Kopi: Sekretariatet for Nasjonal transportplan 2010-2019.